

خزینہٴ اوراق

نمبر
۳۶

تاریخ تالیف
۱ مایس سنہ ۱۲۹۷

جمعہ ایرتسی

عمومی اعتباریہ فتونہ دائر رسالہٴ ادبیہ در

آبدہ درت کرہ اولہ رق جمعہ ایرتسی کونلری چیقار

برنجی محکمه تجارت اعضا ملازملرندن نادری
 فوزی افندینک جودت پاشا برادر زاده سینه
 اوچنجی درس اوله رق کوندر دکلی
 مکتوبدر

(فنی)

پکنلرده ارسالله کسب شرف ایلدیکم درسک مطالعه سیله
 متلذذ بر حالدہ بولندیغکره دائر کوندرمش اولدیغکر مکتوبده
 شایان دقت بر ماده کوردم! اوده قوه ناریه نک یالکر دنیاچه
 بر مطلبک حصوله حادم اولسی جهتیدر ... بن بو قدر درین
 مباحثانه کیرشمک قدرتنی حائز دکل ایسه مده خدمک مافوقنده
 اوله رق بو خصوصده ینہ بر قاج سوز سوئلکی مناسب کور-
 یورم؛ دلائل عقلیه و براهین هندسیه ایله مثبت کافه علوم
 وفنونک مطالعه سندن دنیاچه عظیم استفاده قلوب علوم مذکورہ
 فکر انسانی درجه علیایه ایصال ایده جکندن انسان بویله
 بر پارلاق فکر سایه سنده شریعت غرایه تمسک ایدرک (سعادت
 اخرویہ) دخی نائل اولور بونی کتب مقدسہ نک (فکر)
 حقنده بعض مسائلنی تأمین وتصدیق ایدر .

پکن درسہ کله لم معلومدرکه دماغدن منشعب وبدنک جمیع
 جوانبنہ منتشر ومترتب ایکی درلو اعصابمز واردر تأثیرات
 خارجیه یی اخذ ایدوب دماغه ایصال ایدنلره (اعصاب حس)
 ودماغده کی قوه مدرکه نک اوامرینی اطراف بدنہ تبلیغ وتسویق
 وعضلاتی بسط وتضییق ایدرک اعضایی حرکتہ تشویق ایدنلره
 (اعصاب حرکت) تسمیه اولنور امدی هر قننی بر حیوانک
 بر عضوینک عصاب حرکتدن برینی قطع ایتدکلرنده اول عفو

ایله دماغك واسطه ارتباطی منسلب اولمقین عضوك حس و شعور.
ری باقی ایکن حرکتی تعطیل ایشدیکی واکر بالعکس یالکز
اعصاب حسینك بریسی منقطع اولورسه بو صورتده حرکتی باقی
لکن عفوك شعوری منسلب اولدیغی وایکیسی بردن قطع او-
لورسه هم حرکت وهم حسك رشته مناسباتی ازاله ایدرك
اول حیوانك بو عضوی بتون بتون مفلوج اولدیغی تجربه
اولنشدیر بناء عایله ادراك حیوانی بر عجب تلغرافخانه ده مشا-
بهدر که کشور بدنك هر طرفته تحدید اولنان ایکی طاقم خطوط
اعصاب تلغرافیه نك بر طاقی اجزای اجسام خارجه نك اهترازیله
متأثر اوله رق اخبار وارده بی دماغه ایصال و دیگر طاقی تلغراف
فخانه دماغك اوامرینی مناسب اولان محلوله اسبال ایدر كرك
تلغراف عایدیه معدن تللری ایله اجزاسنی حاوی قابك و كرك
تلغراف حیوانیده اعضا و معدنه واركان اعصابك طاقلری ایجاب
ایدن انتظامی بر حالدیه بولملری وایکسندیه بیله افعال کیمیویه
شرط اولوب بولرسز مخایرات منقطع اولدیغی مقرر و محقق
ایسده تلغراف عایدیه معانی اخبار تلغرافیه نك مدرکی مذکور
طاقلردن خارج بر مأمور معتمد بولندیغی مثللو تلغراف حیوانیده
دخی اعضای لازمه دن ممتاز بر مدرك مجرد بولنسی اقتضا ایده -
جکی اظهار بدیهیاتندر .

واقعا بو قوت مخیر العقول بو کونه قدر مخفی و مجهول قالمش
ایسده کوکب اشعه باش حقیقت بنده افق ترقیه منجذب
و سفینه قوانین طبیعیه ایسه الك دهشتلی فرطنه لره متحمل اولدیغندن
بزدن صکره کله جکله استقبال بعض جدی شلر و عدایده بطلکده در-
حرارت و ضیایی اصوات اهترازاتك سرعتی و قابل حس

اولان الوانك بر ثانيه جك ظرفنده عدد تذبذبات واهترزازاتي
 (۰۰۰ ۰۰۰ ۰۰۰) - قويو اجر) ايله (۰۰۰ ۰۰۰ ۰۰۰)
 - اچيق بنفشه) مقدارلري اراسنده درقدرتك وار ايسه اجزاي
 ماديتهك بو رقص مفرطه سني تعداد ايله :- ضيا وحرارت تحليل
 كييمويدن نشئت ايدر جسمك اجزاي ماديته سي زياده مقاومت
 ايتديكي دها زياده صارصيلوب نور فوسفورينك كورنمسنه سبب
 اولور بو تموجاتك تسهيل ضبطيچون بر مثال ايراد ايدلم :-
 بر ماه راكدن سطحی اوزرينه بر طاش ائلدقده درحال صو يو -
 زنده موقع حجرده بر مركز واطرافنده بر طاقم دوائر متحدالمركز
 رسم ايدر تموجات پيدا اوله رق سطح سيالنده بعض تحدييات
 وتغيراتله محيطه متوجه امواج متحرکه حاصل اولور بو
 خلقه لرك مرتفع ايله تحفض لرينك ايره سي متساوي البعد اولوب
 اختطارك استقامتده كائن مسافديه (طول الموج) ديرلر .

معما

برينك هيئت مصنوعه سني
 صفت وعادت موضوعه سني

دكلر ايسهك سكا تعريف ايديم
 آكلار ايسهك ابو توصيف ايديم

مرکزنده طورر او حاضردر
 هر ياکه کوز دیکه درک ناظردر

وقت ماضی* ظهوری چو فدر
 لکن عنصرده فتوری یو قدر